

國朝詩人徵略

國朝詩人徵略卷四

番禺張維屏子樹輯

王士正

字貽上號阮亭山東新城人順治十二年進士官
至刑部尙書諡文簡有帶經堂集

士正談詩大抵源出嚴羽以神韻爲宗當康熙中
其聲望奔走天下惟吳喬竊目爲清秀李于鱗汪
琬亦戒人勿效其喜用僻事新字而趙執信作談
龍錄排詆尤甚平心而論當我

朝開國之初人皆厭明代王李之膚廓鍾譚之纖仄

於是談詩者競尙宋元旣而宋詩質直流爲有韻
之語錄元詩纏豔流爲對句之小詞於是士正等
以清新俊逸之才範水模山批風抹月倡天下以
不著一字盡得風流之說天下遂翕然應之然所
稱者盛唐而古體惟宗王孟上及於謝朓而止較
以十九首之驚心動魄一字千金則有天工人巧
之分矣近體多近錢郎上及乎李頎而止律以杜
甫之忠厚纏綿沈鬱頓挫則有浮聲切響之異矣
故

國朝之有士正亦如宋有蘇軾元有虞集明有高啓

而尊之者必躋諸古人之上激而反脣異論遂漸
生焉此傳其說者之過非士正之過也是錄具存
其造詣淺深可以覆案一切黨同伐異之見置之
不議可矣

提要 四庫

公十八歲中順治辛卯鄉試祖方伯公年九十一
猶及見以家藏邢太僕書白鸚鵡賦賜之乙未中
會試戊戌殿試二甲謁選得揚州推官五年內擢
禮部主事遷員外郎丁母艱服除補戶部四川司
郎中時

上畱意古學特

詔公賦詩次日傳

諭王某詩文兼優著以翰林官用遂改侍講旋轉侍讀

本朝由部曹改詞臣自公始實異數也

上令人直南書房嘗徵其詩錄進三百篇謂之

御覽集

西陂類案

公與湯公斌未相識而心重其賢會

詔舉博學鴻儒公言於大司寇魏公象樞曰必得人品學

問如湯某者乃可應詔魏公聽其言遂特薦湯公

天下知湯公之薦由於魏公不知魏公之薦湯公

實由於公也

西田文集

阮亭先生自重其詩不輕爲人下筆內大臣明珠之稱壽也有大僚某以金箋請于先生欲得一詩以侑觴先生念曲筆以媚權貴君子不爲遂力辭

之

柳南
隨筆

公總持風雅數十年而於吏事特精能其治每持大體任寬厚清不戾俗和而有執司李揚州治通海寇獄反坐以息誣陷捐俸募商代完欽賊積逋二萬餘兩白高郵居烈婦冤五年中結大案八十

有三

山左
詩鈔

阮亭先生詩同時譽之者固多身後毀之者亦不

少推其致毀蓋有兩端一則標舉神韻易流爲空

調一則過求典雅

卽王愛好之說

易掩却性靈然合全集

觀之入蜀後詩骨愈蒼詩境愈熟濡染大筆積健

爲雄直同香象渡河豈獨羚羊挂角識曲聽真要

當分別觀之

聽松廬詩話

漁洋入蜀後詩多蒼健沉鬱卽以近體論之如漫

興十首三閭大夫廟少陵先生祠陸宣公墓

俱五律

夔府城樓望八陣圖上凌雲絕頂李元禮墓馬伏

波祠趙承旨畫羊陳楊徐劉諸人殉節詩

俱七律

皆

傑作也

同上

漁洋絕句神韻獨絕其佳者未易更僕數顧茂倫
吳漢槎選絕句詩

國朝選三家牧翁阮翁鈍翁汪長於古文其詩不及
王惟七言絕句差可雁行耳同上

標題

雨登湘中閣眺望

古五

望華山

古五

七盤

嶺

古五

定軍山諸葛公墓下作

古五

龍門

閣

古五

天柱山

古五

海門歌

古七

明景帝

陵

古七

登高望山望峨眉三江

古七

秦鏡

詞

古七

東丹王射鹿圖

古七

摘句

五湖正秋色一櫂到閒門

螢火出深碧池荷聞暗香

千峰盤雪棧數騎出雲林

一關橫碧落雙劍插青冥

天遙孤雁沒江濶一帆遲

漁樵晚多侶風壑靜同音

迴颼聞玉笛涼月滿江樓

人意孤雲外山容太古前

弟兄九原別鴻雁一聲秋

哀樂中年事艱難遠道書

豈知成訣絕猶似送將歸

身無一枝隱詩已衆人傳

兩戒中分蟠太華孤城北折走黃河
高秋華岳三峰出曉日潼關四扇開
一天暮雨來巫峽萬里寒潮到秭歸
人逢七夕思千里雁去三湘第一聲
石溜聲中通騎過青山影裏見人耕
已過白雪三城戍初試黃河十月冰
松竹陰中孤塔白樓臺缺處數峰青
吳楚青蒼分極浦江山平遠入新秋
椎牛五夜千夫膳射虎三秋百戰場

萬古窮荒生馬角幾人樂府唱刀鐃
鶴化千年非故國雞鳴十廟不同時
九原可作思隨會四海論交憶孔融
飽及侏儒臣朔死放來正則子蘭狂
唐家都護安西府漢史功名博望侯
錦囊舊事悲唐壘碧玉春流寫晉祠
故人一別成千載公子重逢又十年
天風吹林溪水急夕陽在山紅樹多

邱象升

字曙戒江南山陽人順治十二年進士官大理寺

副丞有穀音入燕嶺海白雲草堂諸集

曙戒攝廣州海防事時平南王藩府人魚肉平民
大吏莫敢問曙戒至交尙氏壻總兵者乖間爲說
利害俾啓平南卽下令民被害者告竟其獄論死
者十人還民田廬畜牧無算康熙五年補武昌通
判通城令徵逋稅酷民大噪薄城巡撫聞變集議
皆曰急擊之曙戒曰通城民困久矣迫而譁非其
罪也不如遣一文吏往諭之可不崇朝定巡撫曰
善是無踰君者曙戒疾馳之未至三十里乘輿張
蓋傳呼至城下通城民數千環之曙戒喻以巡撫

意令速解散大兵至無遺類矣皆謝曰公活我頃
刻散去復請于巡撫緩其征民益喜

測海集

公與弟象隨齊名既病猶校刊張養重靳應昇遺
集刻成曰乃今可報亡友于地下矣

蠶尾集

摘句 曉昏雲氣變雷雨石痕崩

樹暗驚人語溪寒避虎風

烟白江如定雲蒸山欲浮

月明千戶靜斗轉萬星移

嚴沆

字子餐號灝亭浙江餘杭人順治十二年進士官

至戶部侍郎

司農歛退謙抑雖踐九列不殊寒素有機彈其詩

者應時改定

國朝詩別裁

丁酉沆典試山東故事聖裔無舉者四氏子不得

獨雋沆疏請得歲舉二人著爲令

浙江通志

查義選佛詩傳云先生能詩善畫築別業曰臬園

藏書萬卷

碧谿詩話

宋荔裳詩云山人工意不工似匠心自出無專師

嚴灝亭詩云一日十紙不厭速貴取繪意非傳形

是皆能得畫中三昧者

聽松廬詩話

摘句 虛名慙諫草薄祿慰慈親

高枕自娛鴻寶冊荷鋤終愛鹿門山
桃柳雨過雲垂戶翡翠花深吏散衙

汪琬

字茗文號鈍翁江南長洲人順治十二年進士授
戶部主事康熙己未

召試博學鴻詞官翰林院編修有堯峰文鈔詩鈔

琬與魏禧侯方域竝以古文擅名宋犖嘗合刻之
然方域才人之文禧策士之文惟琬根柢經典不
失爲儒者之文歐蘇曾王固未易擬以按跡王

中唐順之歸有光等無愧色也

四庫簡
明目錄

先生與修明史在史館六十日撰史藁百七十五

篇

午亭
文編

先生降而爲兵馬指揮也旗人與民爭縛民至司
其黨數十人皆偃仰臥踞廳事中先生舉手厲聲
言曲在民當盡法若曲在旗敢厲民乎卒直民而
懲旗人又治奸民以假命噬人者懲豪家奴以勢
凌脅人者任滿且去北城民炷香提酒送者填溢
衢巷及再入戶部上其羨餘金如干有潔清名上同
鈍翁晚居堯峰之麓學者稱堯峰先生爲文出入

廬陵震川間碑版之作尤工性卞急意所不可輒
攘臂爭然坦率無城府片語之佳不難俯首至地
家居弟子日進常教之曰學問不可無師承議論
不可無根據出處不可無本末

國朝名
家小傳

鈍翁納涼絕句云衡門兩版掩松風葵扇桃笙偃
仰中就與孫劉相關絕不過令我不三公此詩可
見此老倔強而風趣故自灑然

聽松廬
詩話

鈍翁有初置山莊絕句云縛帚旋除蛛網淨插籬
每護藥苗新老夫到老不曉事能幾何時作主人
此詩足爲貪癡眷戀者作一杓清鐘

同

摘句 去美惜已遙來奇望猶繙

身受才名誤文從患難真

家臨綠水長洲苑人在青山短簿祠

中庭不是無花看獨爲清陰立少時

今年較覺風情少惟到尊前似舊時

李贊元

字望石原名立登第後奉

旨改今名山東海陽人順治十二年進士官至兵部侍郎

有滴翠園集

李侍御出按楚時鄂渚有大猾段世昌稔惡萬端

前臺使莫能誰何李至佯置不問一日餞客江干
已微醉從一尉一僮夜往叩門世昌倉皇趨出徑
前手繫之命尉牽其頸踏月還署卽置之獄遠近
顯要爲之求解李立杖殺之當世昌入獄時語其
家人曰曾見一道人能知未來事詢以終身道人
曰他日所遇非桃非杏非坐非行卽祿盡時也李
初名立故云

觚
牘

摘句 危亭穿石罅密樹散春陰

黃茗作山供客來汲泉去但知泉水甘不
辨泉源處

曹申吉

字澹餘山東安邱人順治十二年進士官至貴州巡撫有澹餘集黔行黔寄二集

先生撫黔多善政十二年冬吳逆難作近制撫軍既不得握兵柄而黔南大帥又已從賊中潰遂束手被執當聞變之初先生夜遣僮人飛章入奏疾馳六千里十六日而達都門

上始得吳逆反狀命將出師扼險固守先生陷賊中無日不伺間圖賊爲賊所覺劫歸雲南遇害於昆明之

雙塔寺年僅四十有六

山左詩鈔

中丞祭告湖南有句云雪花飛過洞庭去愁對斑

斑湘竹林

漁洋詩話

摘句 禹功江漢大楚俗鬼神尊

波湧疑星動帆移覺樹行

雲際青山湘女廟天邊黃鶴楚王城

到面山容如故友近城人語盡鄉音

楊雍正建

字自西號以齋浙江海寧人順治十二年進士官

至兵部侍郎有景疏樓集

康熙初有星孛干翼軫抵降婁自西言宋咸平初

慧見營室明成化中慧掃三台入太微垣修省故
不爲災詩

皇上廣求直言詳詢利病有可惠百姓者卽賜舉行

聖祖優詔答之巡撫貴州立營制禁侵掠省力役始至斗

米五千錢自西勸民耕耨三年遂成沃土

測海集

公歸養北堂晨羞夕膳遇簞笠舊交胸無冰炭田

衣山屐行道者不知爲一品貴人也

縣書亭集

摘句 預期籌撫輯不敢負蒼生

劉體仁

字公戰河南潁川衛人順治十二年進士官吏部

厚學言人後集卷四
考功郎有蒲菴集

體仁欲力脫七子之窠臼而詩或生硬文或纖佻
實出入於竟陵公安之閒明末山人之習未盡除

也

四庫提要

公猷客鳳陽一日同友人蘇茂旂過龍興寺訪老
衲流連竟日始別蘇歸邸夢公猷來笑吟詩云六
十年來一夢醒飄然四大御風輕與君昨日龍興
寺猶是拖泥帶水行覺而異之忽聞剝啄聲則公
猷僕人至云已坐脫矣

漁洋詩話

摘句 西湖小閣多延月好友同舟半是僧

秦松齡

字畱仙江南無錫人順治十二年進士入翰林罷歸康熙十八年

召試博學鴻詞官諭德有蒼峴山人集

松齡年十九入翰林賦白鶴詩應

制有句云高鳴常向月善舞不迎人

上顧左右曰此是有品者置第一家有園在惠山之麓擅

林泉之勝罷官後與故人遺老倡和其中

江蘇詩徵

標題 金陵司馬行

七古

摘句 春山孤客外寒食百花前

周家同姓盟爲長漢制非劉爵不王

白首更逢多難後青山重憶定交初

王 揆

字端士江南太倉人順治十二年進士有芝廬集

巡撫疏薦鴻博力辭居鄉志切民生蘆課蠹弊請

當事墮之劉家河久淤上書請浚鑿

江蘇詩事

王煙客太常書畫名海內卒年八十九揆其次子

也三子撰四子持五子林六子扶七子攄八子梭

皆嗣其家學揆林攄工詩撰兼工書畫揆順治乙

未進士以子原初貴

贈資政大夫授康熙庚戌進士官至大學士撰年八十七

并年八十五揆年七十餘一門之內父子兄弟名

譽福壽海內所希有也

松心
日錄

摘句 洞口蒼藤迷舊路寺門老樹識前朝

丁 彭

字飛濤號葯園浙江仁和人順治十二年進士官

禮部郎中有扶荔堂集

祠部少有白燕樓詩流傳吳下士女爭相采摭以

書衫袖婺州吳之器有句云恨無十五雙鬟女教

唱君家白燕樓爲時傾倒如此

國朝
詩別裁

先生少有雋才與弟景鴻際稱三丁吳梅村贈詩
有兄弟文章入選樓句與同里陸圻柴紹炳孫治
張綱孫陳廷會毛先舒吳百朋沈謙虞黃昊諸名
士力扶大雅稱西陵十子通籍後與宋荔裳施愚
山張譙明周銓山嚴瀨亭趙錦帆唱酬日下又稱
燕臺七子後以事牽累謫居塞上者五載卜築東
岡躬自飯牛吟誦自若所作詩語多忠愛無怨誹
之意其所養又可知矣

雨浙輯
軒錄

摘句

猿聲苦霧城邊急虎跡荒原戰後多

放馬盡來沙苑白彎弓直落海東青

十九年歸蘇屬國二千石重漢吳公
眼中吾老非衰鳳足下人稱是臥龍

彭 襄

字子贊四川閬中人順治十二年進士

屈賦陶詩屈醒陶醉不類也然兩人志潔行芳實
相類彭子贊書屈陶合刻後詩歸愚宗伯謂與鄺
湛若屈原賈誼一章莫能甲乙鄺詩云浮湘孤月
下靈渠牢落殘魂伴索居庚子日斜聞野鳥端陽
沙渚見江魚天高未敢重相問年少何勞更上書
此去樊城望京國定從王粲賦歸歟

聽松廬詩話

摘句 對酒不忘書甲子懷沙空自歎庚寅

書屈陶合

後刻

王澤宏

字涓來號昊廬湖北黃岡人順治十二年進士官

至禮部尙書有鶴嶺山人集

澤宏喜與諸名士遊王士正姜宸英洪昇等皆嘗

點定其詩所作類皆和平安雅

四庫提要

王昊廬宗伯捐貲贖甲寅難婦百餘口沈方舟詩

云紅淚千行濺鐵衣傾家不惜拔重圍掩金欲笑

曹瞞客只贖文姬一箇歸

考田詩話

摘句 雙目久內視諸我自外歸

著書忘歲月積畫當登臨

豈識武侯非管樂須知曼倩亦巢由

傅展

字蘭生一字彤臣號麗農山東新城人順治十二年進士官監察御史有瀛海燕居諸詩

彤臣嘗過友人家有女爲狐所祟聞傅至忽語曰

傅公正人吾去矣果去不復來

分什餘話

摘句 原不貪雞肋何甘拜馬首

莫笑角巾無武略禁中頗牧是書生

錢陸燦

字爾敬一字湘靈江南常熟人順治十四年舉人有圓硯居士集

康熙甲戌上巳崑山有耆年之會設宴于徐氏之

遂園舉人錢陸燦年八十三御史盛符升八十檢

討尤侗七十七贊善黃與堅七十五尙書王日藻

七十二提學僉事何棟七十舉人孫賜六十九按

察使許纘曾六十八尙書徐乾學六十四洗馬周

金然六十四中允徐秉義六十二諭德秦松齡五

十八以齒序坐各賦七言二首用蘭亭爲韻

柳南
隨筆

摘句 更上一層如世外閒思千載幾斜陽

計東

字甫草號改亭江南吳江人順治十四年舉人有
中州集

東少負奇氣中年出遊遍覽山川之勝詩文日富

提要 四庫

甫草負奇氣過鄴下見謝茂秦墓圯壞盡橐中金
爲修墓過順德知歸震川嘗佐郡有廳記二篇求
遺址不得乃入署旁廢圃中瓣香再拜至吳稱門

生於黃孝子向堅人共賢之

國朝詩別裁

尤西堂云孝廉丁酉舉京兆第七人三上春官不第旋遭誤被黜黜後十六年歿歲止五十二

江蘇詩徵

予有論詩絕句云眇目山人足性靈詩盟寒後苦

飄零後來誰弔荒墳者只有吳江計改亭

國朝詩別裁

摘句 風自長城落天連大漠寬

久客忘時序依人慎去留

道心堅益澹詩法老逾工

田茂遇

字楫公號鬲淵江南華亭人順治十四年舉人授新城令不赴有水西草堂集

茂遇赴鴻博試客都門輯燕臺文選歸築水西堂
堂觴咏以老又與董僉選當代名人詩名十五闕

風高言集

江蘇詩徵

田髡淵少貧時名善屬文陳黃門謂夏考功曰此
子才氣卓犖他日必成偉器後黃門歿子幼貧代
償荒田官租復梓其遺集

今世說

標題

孤兒行

七古

摘句 古人不貧才不老今人貧乃傷懷抱

曾 琬

初名傳燈字楚田後更名琬字庭聞江西寧都人

順治十四年舉人有金石堂集

庭聞明太常卿應遴子隨侍軍中守吉贛屢著方

略後奔汀閩歷并涼著籍寧夏以省母歸卒

江西詩徵

摘句 兵戈雙淚眼吳楚一孤舟

漢水原通蜀巴山不過秦

流漸著水天皆凍大漠無風山白鳴

陳廷敬

字子端號說巖山西澤州人順治十五年進士官

至大學士諡文貞有午亭文編

廷敬生平回翔館閣遭際

昌期出入

禁闥幾四十年值文運昌隆之日從容載筆典司文章
雖不似王士正籠罩羣才廣於結納而文章宿老
人望所歸燕許大手海內無異詞焉

四庫提要

上召見問朝臣誰最能詩先生舉王貽上

詔求博學鴻儒先生舉汪茗文之兩人者一爲詩伯一爲
文宗而吹噓上送名達天衢實由先生一言推轂

誠得以人事君之道者矣

國朝名
家小傳

澤州相國陳午亭中進士與通州庶常敬同名

上于澤州名上加廷字別之澤州以

賜石榴子詩受知

聖祖以至大拜其詩云仙禁雲深簇仗低午朝簾下報班

齊侍臣密列名王右使者曾過大夏西安石種栽

紅豆蔻火珠光迸赤玻璃風霜歷後含苞實只有

丹心老不迷

雨村詩話

標題

平演雅三篇

四言

異星行

七古

摘句

人生誰百年一愁一回老愁斷還復來人

老不再好

得閒且爲樂不慕天上仙仙者多畏忌疎

息蓬萊班

紫塞連天險黃河割地雄
城中得流水幽處見桃花
新月初三夜春筵第一樽
催詩燒短燭畱客開重門
無營心澹泊蚤起事從容
文字原多累功名是偶逢
三杯四杯濁酒一句兩句閒詩樹上落花
結子竹間新筍成枝

一年好景逢春色萬事今生讓古人
秀句自吟差有味好書多讀可忘貧

黃紙箱邊同啓事紫薇花下對吟詩
好春臨水灣灣好明月隨人處處明
百年吾是今春老一歲人能幾日閒
莊生齊物焉知物老氏無名却有名

李念慈

字杞瞻號劬菴陝西涇陽人順治十五年進士官
天門知縣有谷口山房集

其詩吐屬渾雅無秦人亢厲之氣

提要 四庫

摘句 在世苟無補旅化同塵埃

近城先見塔入市盡通舟

馮 甦

字再來號蒿庵浙江臨海人順治十五年進士官
至刑部侍郎有蒿庵詩鈔

甦官雲南會吳三桂作亂不屈被囚

提要四庫

康熙己未殿試少司寇充讀卷官竣事

上命與少宰張繡紫等各賦詩少司寇詩先就有還看景
運息戈鋌之句

上諭鋌字稍生少司寇伏奏云因杜甫有戈鋌明雪色語
後人相沿押用

上復諭險韻排律用之不妨律詩似宜他擇卽面奏改云

定有鄒枚供視草還看房魏畫凌烟

上首肯稱善旣出同官盛傳誦

兩浙輟軒錄

摘句到來遠人事偶憩卽山林

人間厲鬼猶誅賊天上忠魂早證仙

蔡忠襄公

張一鵠

字友鴻號忍齋江南婁縣人順治十五年進士官

滇南司李有滇黔詩塾廬集

司李官滇與中州彭而述唱和合刻之名滇黔一

客集

江蘇詩徵

忍齋有句云但得終朝長抱膝鹿皮野服是

君恩同上

摘句 五丁開絕塞二酉抱神龍

李天馥

字湘北號容齋江南合肥籍河南永城人順治十五年進士官至大學士諡文定有容齋集

奎容齋相國服闋入都其壬戌諸門生已多通顯置酒新第讀學史胄司卽席賦詩曰郎君館閣稱前輩弟子門牆半列卿

漁洋詩話

嘗與廷議同官或厲辭色湘北曰君何至此凡事平其氣可也吾初亦爾後旣熟漸平也母喪歸廬

墓側居常好施既卒鄉人哭之如喪所親

測海集

公在位篤于人物如李翰林因篤趙參政進美秦
檢討松齡等公薦以應博學鴻詞科陸御史隴其
邵參議嗣堯今巡撫彭公鵬公汲引洵爲名臣下
至單門寒俊有名章迴句輒歎咏不置

有懷堂文稿

摘句 危磴雲中盤積翠懸巖天半落空青

清尊宛轉歌三疊明月蒼涼賦七哀

蕭惟豫

字介石號韓坡山東德州人順治十五年進士官
翰林院侍讀有但吟草

公生有夙慧手紋如硃砂典江西鄉試吉水李尚
書振裕年甫十五閱卷決其遠到置第五曰此吾
鄉試名次今以衣鉢授之督學畿輔翁鐵菴尙書
冒北籍應童子試縣人攻之不敢入覆試公索之
急教官以暴卒對公刻其文深致惋惜後鐵菴執
弟子禮魏敏果公以公與陸清獻公同薦諸朝公
以母老陳請歸養避跡村野所居曰雲莊家貧而
好施捐館之日田父漁老皆隕涕葉正夏題輓聯
云一世清貧學士兩間忠孝完人

山左詩鈔

摘句 開渠因地勢接木見天心

不官人易懶無累病皆輕

幸無爲利爲名事權作非夷非惠人

鄒祇謨

字訐士號程邨江南武進人順治十五年進士有
遠志齋集

鄒訐士天資穎異過目靡所遺忘上自經籍子史
以及天文宗教百家之書細及古今人爵里姓氏
世次年譜無不悉記

今世說

摘句 愁來憤方結理至累已捐

錢中諧

宰宮聲號庸亭江南吳縣人順治十五年進士康

熙十八年

召試博學鴻詞官翰林院編修

太史請減浮糧條議水利皆切于國計民生

荻江錄

宮聲鴻博取一等湯文正爲巡撫贈以題額曰奎

壁凝暉後宮聲元孫棨解元北上夢五色雲中有

龍頭因書奎壁凝暉四字尋中會狀

康熙朝新語

摘句 影迷積雪望難極聲入曉霜清更哀

白雁

許虬

字竹隱江南長洲人順治十五年進士官紹興知

府有萬山樓集

前數卷多擬古之作刻意摹仿頗嫌太似

四庫提要

竹隱折楊柳歌云居遼四十年生兒十歲許偶聽

故鄉音問爺此何語極質極古

聽松廬詩話

摘句 三湘登眺還吾輩千古江山獨此樓

王又旦

字幼華號黃湄陝西郃陽人順治十五年進士官

給事中有黃湄集

幼華宰潛江履畝定賦杜豪強侵占葺長堤柱漢水決囓建傳經書院築說詩臺值寅卯方事之殷

縣居孔道征調糴午糗糧芻茭無所缺爲言官復
疏湖北隄工協濟之害令荆郢分界治隄絕委卸
而專考成得

旨報可已改戶部掌印典試粵東還過南海花山建議於
其地設縣治奪盜淵藪

旨又報可

湛園未定稿

標題 落雁峰看月

五古

摘句 陣雲通白帝邊月墮黃陵

月明飛夜鵲江靜抱嘉魚

舊業六盤秦北地臣軀九尺漢東方

月出征人猶在野雞鳴使者已臨關

嚴允肇

字修人號石樵浙江歸安人順治十五年進士官
壽光知縣有宜雅堂集

石樵以同官累去官後與同官遇益厚禮之人服

其長者詩古今體兼善

國朝詩別裁

孫介夫稱嚴修人其淡如菊其溫如玉其靜如止

水其虛下如谷

今世設

標題 述哀

七古

洗象行

七古

摘句 空山草木靜至性固莫奪

不信蒯通能相背可無孫武善攻心
漢廷却悔封雍齒巴郡終須殄隗囂

顧岱

字泰瞻江南無錫人嘉定籍順治十五年進士官
杭州知府

太守初官滇郡司馬值吳三桂坐鎮縱兵淫掠有
司懼不敢言乃實按其狀以告三桂求追還所掠
子女三千餘人以完百姓骨肉以頭觸堦流血三
桂不能難得盡遣歸民德之建祠尸祝

江蘇詩事

摘句 由來皆赤子何忍作長平

招安賊三萬有奇

張貞生

字幹臣號簣山江西廬陵人順治十五年進士官
至侍講學士有玉山遺響

貞生家居構我師祠又捐宅爲誠意書院

提要四庫

嘗云至危是人禽之介喫緊在義利之關

池北偶談

康熙九年議遣大臣巡方幹臣言大臣巡方徒擾
百姓無益察吏安民當責成督撫尋下部議以出
位言事降二級然卒罷巡方之差

測海集

摘句 花木塵中老溪山物外清

焚草燈前期報國披肝膽上願回天

毛際可

字會侯號鶴舫浙江遂安人順治十五年進士官彰德府推官有松皋詩選

際可與毛先舒毛奇齡有三毛之稱其學不及奇

齡之博而亦不至如奇齡之強悍堅僻

四庫提要

鶴舫致力於古文癖香固在南豐

國朝二十四家文鈔

摘句 歲序速推遷老少卽今昨

巖危如欲墜水緩不成流

國朝詩人徵略卷五

番禺張維屏子樹軒

陳恭尹

字元孝號獨漉廣東順德人有獨漉堂集

恭尹爲邦彥子邦彥殉節時恭尹纔十餘齡比長賦姑蘇懷古諸詩傾動一時名大起其詩清迴拔俗得唐人三昧古體間入選理一時習尙無所染工書法山東王士正趙執信至粵於廣州詩人尤推重恭尹隱居不仕自稱羅浮布衣

廣東通志

元孝自序略云志學以往皆爲憂患之日東西南

北不能多挾書卷自隨意有所感復不能已於言
故於文辭取諸胸臆者爲多而稽古之力不及其
辭可云不自滿矣

靜志居詩話

杭堇浦洪稚存皆雄視騷壇不輕許可者堇浦題
獨漉遺像有云嶺海論風雅平生一瓣香又云淒
涼懷古意豈是屈梁能稚存論陳屈梁詩有云尙
得古賢雄直氣嶺南猶似勝江南稚存兼稱三家
堇浦尤尊獨漉要其推許之意俱已至矣

聽松廬詩話

詩以沉爲極詣沉不在貌其骨重其味厚其氣蒼
其韻長乃謂之沉梅村獨漉之詩皆沉梅村沉麗

獨漉沉摯

同上

獨漉先生七律尤多傑作偶舉一篇論之鄴山懷
古云山河百戰鼎終分歎息漳南日暮雲亂世姦
雄空復爾一家辭賦最憐君銅臺未散吹笙伎石
馬先傳出水文七十二墳秋草徧更無人表漢將
軍起句上四字一頓然後折出下三字見三國互
有吞併之意而終分鼎足次句日暮雲三字兼比
興義見鼎分而阿瞞亦既老矣三句刺其奸四句
美其才千秋公論詩筆卽史筆也五六言當塗末
亡典午已兆馬將食槽奸猶昧昧結二句冷而雋

婉而嚴通篇議論出以含蓄鎔鑄歸於自然七律

到此地步所謂代無數人人無數篇者也同上

標題 白勵詩五古 登羅浮五古 海珠石五古 祝

融峰向白門寺五古 兒贛晬日旅山陽作

五古 王將軍輓歌五古 王華姜哀詞五古

行路難後四首 柏舟行為區母賦七古

程周量出守桂林作此寄之七古 七星岩

題名歌七古 扶胥歌送王阮亭七古 祭幽

歌七古 石湖觀梅花七古

摘句 帆影高不測雲雨及其半

適來歷崔嵬反視若邱垤
人苦不自知所賴友與朋
寡出春已生多愁老先及
人生有如影終始爲形役
存思澤萬物一身乃先槁
埋骨置土中焉辨賢與愚
雖無爵與祿色養踰八珍
世人見淺近事事求表暴
安識國手基下着關全局

積雨江漢綠歸心楊柳初

離憂在湘水古邑滿衡陽

初月清光少中年舊友稀

力窮羣籍內身老衆人前

星橫騎尾氣霜老枕戈身

空還新息革終負賈生書

映花谿路閉漱水石根虛

夜氣消羣動江聲到小堂

五嶺北來峰在地九州南盡水浮天

四海自飛鴻鵠羽中宵人哭白蛇聲

嵩室有聲君萬歲土圭無影日中天

諸葛威靈存八陣漢朝終始在三巴
南國干戈征士淚西風刀剪美人心
家無兄弟佐朋友地夾河山畏鼓鼙
遙從江漢分流地坐到星河欲曉天
松柏本來多直性英雄何必在成名
窮海訪人兵後去孤身攜劍雪中歸
新虹映日收殘雨積水浮天出斷山
萬種未完爲子事百年過半作翁時
計日便爲民父母多年猶戀老師生
三徑草生殘雨後數家門掩落花中

燈前鬼芋穿沙出
霽後僧門鑿雪開
欲薦春薇無處采
西山原已屬周家

獨佩秋蘭何處獻
慙卿一食不忘君

蜂

徐延壽

字存永福建閩縣人有尺木集

存永徐興公之子也家鼇峰藏書與曹能始謝在
杭埒亂後並田園盡失之過燕子磯作云馮夷吹
浪齧山根雲樹千重暗白門故壘尙開雙燕語空
江曾見六龍奔楊花暮雪行人路杜宇春風古帝
魂扣柂中流頻喚酒客情難遣是黃昏

漁洋詩話

摘句 千里別情芳草外五更殘夢落花前

金刀峙漢存三國銅鼓征蠻過五溪

霸圖當日成何事才士無年實可哀

周公瑾墓

裕 篆

字蒼書江南長州人邑諸生

蒼書天爵自尊韓文懿公敬禮之康熙二十八年

聖祖南巡召見

命書牋二幅

御書海鶴風姿賜之時年九十六矣越歲卒

國朝詩別裁

摘句 天南氣象開蠻府嶺上風雲動越山

趙士喆

字伯濬山東掖縣人貢生有觀物齋集

伯濬隱成山之松椒著建文年譜遼宮詞石室談

詩若干卷

古懽錄

趙伯濬嘗削稿縱談天下事殆臨江節士扶風豪

士之流

靜志居詩話

摘句 當時豈無人盡爲時局縛

不羨金滿贏自喜書連屋古人有遺言恨

不十年讀

聞道中朝相司馬至尊秘敕慎開邊

遼宮詞

劉獻廷

字君賢號繼莊順天大興人有廣陽雜記

繼莊之學主於經世自象緯律歷以及邊塞險要財賦軍器之屬無不畱心蓋薛季宣王道甫一流萬季野徵君徐健菴尙書皆重之繼莊謂諸公考

古有餘而未切實用

結埼亭集

繼莊嘗作新韻譜其法先立鼻音二以鼻音爲韻本次定喉音四爲諸韻之宗以喉音互相合凡得音十七喉音與鼻音互相合凡得音十又以有餘不盡者三合之凡得音五共三十二音爲韻父而

韻歷二十二位爲韻母橫轉各有五子而萬有不齊之聲攝於此矣

同上

繼莊論水利謂西北乃二帝三王舊都二千餘年未聞仰給於東南何則溝洫通而水利修也故西北非無水也有水而不能用也不爲民利乃爲民害旱則赤地千里潦則漂沒民居無地可瀦無道可行虞學士始奮然言之郭太史始毅然行之未幾竟廢又謂西北水利莫詳於水經酈注欲取二十一史關於水利農田戰守者各詳考其所以附以諸家之說爲之疏

同上

劉繼莊云西北有水而不能用不爲民利乃爲民
害其論甚確蓋必有地以瀦之有道以行之乃
不爲患但民可與樂成難與圖始恐效未見而怨
先見故事不易舉也余因思孫文定公總督直隸
開五百八十渠終公任無荒患然則前人之亦
既有成效矣

松心
日錄

摘句 古之兵皆農農富兵亦強古之士皆農農

朴士亦良

萬事無成心力少一生有幾別離多

徐振芳

字大拙山東樂安人諸生有三素楚萍諸草

振芳少負異才常參邱磊軍事

山左詩鈔

摘句 將軍繫馬居人去燕子尋巢地主非

當時天意高難問終古江流恨有聲

沈道映

字彥澈號近岑江南華亭人諸生有鴻跡軒稿

余辛亥遊雲間與彥澈定交與辨事則得失判與

評史則治亂晰與論詩則體法嚴

百家詩小引

摘句 獨客難爲夜孤心易感秋

客況總輸遊屐健詩名翻覺布衣尊

縱使何戡今日少鄉音應作舊人看

陸元輔

字翼王號菊隱江南嘉定人有菊隱集

合訂大易集義粹言八十卷納喇性德編相傳謂

其稿本出陸元輔

四庫提要

翼王爲黃陶菴先生入室弟子

國朝詩別裁

翼王舉宏博以不入格罷歸著十三經註疏類抄

續經籍考

江蘇詩徵

摘句 尊前故舊凋零半亂後文章感慨多

陸元法

字秋玉江南常熟人有水墨廬詩

秋玉晚歲無家圖已像於水墨中自號水墨中人

柳南
隨筆

學博劉永錫貧困死秋玉經紀其喪葬之虎邱每

歲寒食攜酒澆奠

江蘇
詩事

摘句 細雨天如夢孤禽聲帶秋

石級扶猿臂雲峰壓佛頭

瘦燈淹雨色寒夢入江流

人間歲月仍從甲物外漁樵不算丁

鷗邊客到雙筇水鐘外僧歸一笠雲

酒于愁處終難醉詩到窮時亦不工

徐波

字元歎江南吳縣人有謚蕭堂染香菴等集

元歎斷炊靈巖退翁周之他有所遺不屑也

遺民集

譚友夏爲書落木庵三字松枯數株蕭蕭而下齋

廚爨烟皆從此出事之前定如此

池北偶談

摘句 野水斷村路孤煙生竹籬

侯涵

初名滋字研德後更名涵字中德江南嘉定人諸

生有掌亭集

中德論文謂吾無常師能驅使古人而不受古人

驅使斯得矣論詩期本之自得

靜志居詩話

摘句 關河輪輓交南北樓閣烟花自古今

揚州

劉逢源

字津逮直隸曲周人

逢源崎嶇轉徙故幽憂之語多

四庫提要

摘句 變名吳市同梅福飛矢聊城憶魯連

吳兆寬

字宏人江南吳江人諸生有愛吾廬稿

先生與弟問夏漢槎三鳳之名徧海內

松陵詩徵

摘句 烟沙低失樹江氣遠沉山

閔麟嗣

字賓連江南歙縣人有臥雪詩草

賓連喜遊所遊皆有詩廬山一集尤膾炙人口緣

未見全集止錄二篇

國朝詩別裁

摘句 石忽不受水水怒如激電其勢似斜飛下

與蛟龍戰

吳嘉紀

字賓賢一字野人江南泰州人有陋軒詩

漁洋詩以學問勝運用典實而胸有鑪冶故多多

益善而不見痕跡陋軒詩以性情勝不須典實而

胸無渣滓故語語真樸而越見空靈

國朝詩別裁

吳野人家泰州之安豐鹽場地濱海無交遊獨喜

爲詩其詩孤冷自成一家其友稱之于周櫟園因

招來廣陵與四方之士交遊倡和漸失本色余笑

曰一箇冰冷吳野人被君輩弄做火熱可惜

分甘餘話

阮亭謂野人出遊後詩漸失本色不終其爲魏野

楊朴今取其集讀之一卷冰雪文初終一致且野

人晚節篤行潛修甘心窮餓此其品槩何等前說

云云蓋別有爲言之也

國朝名
家小傳

標題

吾廬

五古

贈王秋澗

五古

朝雨下

七古

我

昔三首

七古

哀羊裘

七古

勸酒歌

七古

三首

摘句

兒今遠歸來無米親亦喜

歸人望白雲送者指明月願爲前途月昏

曉尤皎潔一更照君宿五更照君發

魂招衣當骨淚盡子隨親

船停楓葉落月沒客身孤

遠連衆影冷穿露各咽一聲秋滿天

新鴈

不能沽酒持相祝依舊歸來向爾謀

內人生日

李鄴嗣

原名文允以字行一字杲堂浙江鄞縣人諸生有笑讀齋集

黃宗羲序稱其胸中流出無比擬皮毛之習蓋破

除王李鍾譚之窠臼而毅然自爲者也

提要四庫

杲堂平生以著書爲事著漢語南朝續世說語中

寓筆削予奪鄞人多師事之

國朝詩別裁

甬上有湖社仿場屋之例糊名易書以先生爲主

考甲乙樓上少長集樓下候之一聯破賞多士臚

傳如加十賚先生輯甬上耆舊詩集成立詩人之

位祀以少牢聞者爲之軒渠

南雷文定

標題

繡州孝女

四言

出烏石山後失道

五古

江

上弔三弦女子歌

七古

摘句

諸巒徐東體始識身已高在輿尚苦疲何

况昇者勞

王猷定

字于一號軫石江西南昌人貢生有四照堂集

于一以詩古文詞自負對客斷斷每舉一事輒原

其本末蓋兼有筆札喉舌之妙者

靜志居詩話

軫石文不沿窠臼獨寫性靈東南主壇坫者嘖嘖

稱道之

國朝二十四家文鈔

摘句 長江流剩夢短棹撥殘星

短髮且傾千日酒夕陽猶照六朝山
看來事事從前錯白髮于今始讀書

戴本孝

字務旃江南和州人有前生餘生詩稿

務旃詩畫皆超嘗與友人談華山之勝晨起卽襍

被往遊

池北偶談

摘句 不知時榮者何以答高深

但道桑麻長而無車馬喧

集陶

曾傳燦

字青藜號止山江西寧都人有止山集

青藜選

本朝詩名過日集純不勝雜而人才略備

詩別裁

摘句 氣交寒暖後春到有無間

蕭詩

字中素號芷崖江南松江人諸生有執柯集

芷崖隱於三自稱蕭木匠名流重之

遺民集

某紳士託友召之謂此行可得卒歲資中素曰世

自有此種游客我非其人也堅却不往

荻汀錄

摘句 所志在不苟食力甘苦辛

遼海吞邊月長城鎖亂山

我僻將無偶君來始不孤

董以寧

字文友江南武進人諸生有正誼堂集

文友恤交遊急然諾博覽強識著書滿家執經弟

子恆數百人

今世說

摘句 遠樹烟中暝荒城天際浮

畱得當時臨別淚經年不忍浣衣裳

沈欽圻

字得興江南長洲人諸生

先大父往復陶耗自攄胸臆未嘗求工而自中綏

削

國朝詩別裁

摘句 中心諒有得各自抒我懷元化本大公何

用分形骸

獨立江山暮能開天地春

梅花

最是客中偏送遠况堪更送故鄉人

陶澂

字昭萬一字季深江南寶應人諸生有舟車集

漁洋詩話記其與萊陽董樵同以一字爲字因而賦詩定交其詩有警句亦有率句有健句亦有弱

句蓋跌宕有餘而陶鍊未至者也

提要四庫

激去複字止稱季性好遊嘗之燕之齊之晉之吳越涉八閩浮三湘其所著詩多於舟車中得之因

名舟車集康熙戊午薦舉鴻博季力辭

國朝名家小傳

標題

蠻觸行古

苦雨詞古

摘句

可憐衰草地猶是建安人

陳思王墓

湘娥染黛幾千歲朝暮只臨明鏡中

郁植

字大木號東堂江南太倉人諸生

東堂八歲應試作五倫論吳梅村祭酒見而奇之

既長研窮古學以博學鴻詞薦未應試卒

計別裁國朝

標題 悲歌六首

七古

猛虎行

七古

韓侯釣臺

七古

摘句 家從十五年前別身在三千里外同

滿堂珠履三千客朱亥從來未受恩

文點

字與也江南吳縣人

與也明大學士震孟孫能詩善畫巡撫湯公斌訪

以時政有亭戶以千金爲壽願通姓名於湯公與

也曰公以道義交我我豈可以利干公無故貨人

傷惠無故受貨傷廉毋敗吾名其介如此

初月樓聞見錄

摘句 青山如故人江水似美酒今日重相逢把

酒對良友

韓純玉

字子蘧號蘧廬浙江歸安人諸生有德未暮齋詩

明翰林韓敬之子也敬以黨附湯賓尹見擯於時

純玉以是抱憾終身不求仕進

四庫提要

蘧廬避跡棲賢山竹垞錄其詩于明詩綜歸愚別

裁列于

國初康熙中葉尙存年將八十

吳興一詩話

摘句

一江分二郡三國闔羣雄

漢陽

陳子升

字喬生廣東南海人貢生有中洲集

喬生古詩仿玉臺金樓五律規摹太白浩然其
心慕手追者區海月也薛始亨岡生序云洪永成
宏迄今天下之詩數變獨粵中猶奉先正典型自
孫典籍以降代有哲匠未改曲江流風庶幾才術
化爲性情無媿作者矣

靜志居詩話

摘句 黃屋晴連漢塞雲青山曉挂秦時月

月暈圓隨漢東蚌天河傾向汝南雞

董道權

字秦雄一字巽子號缶堂浙江鄞縣人有缶堂炳燭墨傭諸集

先生既以詩名尤以孝著其沒也同人私謚爲貞

孝先生

補脩
舊詩小傳

好交方外挂履洗鉢有巽子詩便增顏色

南雷
文約

摘句 莫沽行處酒早寄到家書

示兒

細煮慈親藥勤教幼弟經

穉兒已試新裁履嬌女還詢舊質衣

任元祥

字王谷號息齋江南宜興人諸生有鳴鶴堂集

王谷高尚士既歿詩文貧不能梓妻黃夫人蠶績
刺綉積十餘年傾資爲刻詩十卷可謂賢婦詩事
王谷規陳其年詩有才無情其直諒可知詩別裁

摘句 秋風如遠客落葉似悲吟

夏熙臣

字無易湖北孝感人官教授有瓠尊山人集

熙臣七歲補諸生其詩才情富瞻然連篇累幅瑕

瑜不免互見

提要四庫

摘句 刀劍生涯背衣冠列附庸

施州衛

地傳巴子國人拜竹王祠

黃雲

字仙裳號舊樵江南泰州人諸生有悠然堂集

黃仙裳長身玉立能詩文善談論負氣慷慨逢俗

人不合意輒嫚罵之人多目爲狂不敢近

今世說

仙裳居姜堰鎮初受知于太守陳素素被枉破家

仙裳不避險難從之遊

淮海英靈集

摘句 性迂求世少親健得天多

雪疑深夜重衾念老親寒

自愧饑寒驅愛子誰能羈旅重王孫

宗元鼎

字定九號梅岑江南江都人有芙蓉集

漁洋詩話稱其詩以風調勝酷似才調集

提要 四庫

定九處東原草堂秋日燕去巢空巢泥落汚几席

乃命童子採巢汲水洗之復徵沈燕泥詩

今世說

梅岑詩云茶竈聲清響竹廊小亭新構面橫塘漁

夫晚唱烟生浦桑婦遲歸月滿筐一嶺山花燒杜

宇滿池春雨浴鴛鴦籬邊犬吠何人過不是詩僧

是酒狂寫郊居風景殊有野趣

聽松廬詩話

摘句 雙柑香濺佳人手半臂寒添酒客肩

麗華膝上能多記偏忘牀前告急封

潘高

字孟升號鶴江江南金壇人有南村集

潘孟升五言清真古淡可與邢孟貞王言遠頡頏

漁洋詩話

本朝五言古李杲堂刻峭潘南村清真

國朝詩別裁

標題

憶幼子

五古

上焦山絕頂

五古

摘句

跨馬塞北地百戰封一侯釣魚江南天一

竿占十洲

自從入春來新句亦時有如何杯酒間早

已在人口

人隨春水遠鳥帶夕陽還

柴紹炳

字虎臣號省軒浙江仁和人省軒集

紹炳在西泠十子中文名最著持躬亦復端謹朱協咸作小傳至稱其歿後爲冥官蓋當時重其行

誼故造作是說

四庫提要

摘句 一見如相識重游卽故鄉

雪消春水江湖濶樹隱晴煙島嶼微

陸圻

字麗京一字景宣號講山浙江錢塘人有從同集

威鳳堂集

圻事親孝刲股療病久而知醫親歿棄家遠遊不

知所終

杭州府志

陸講山爲西泠十子之冠洪昉思詩云君問西泠

陸講山飄然一盞竟忘還乘雲或化孤飛鶴來往

天台鴈宕間

漁洋詩話

先生未嘗言人過有語及者輒曰我與汝姑自盡

毋妄議他人

鮎埼亭集

摘句 山中可淹畱何用事驅馳多謝軒冤客榮

名難久持

大兒交北海孺子問南州

毛先舒

字稚黃一字馳黃浙江仁和人
有東苑詩鈔蕊雲

晚唱諸集

詩音調瀏亮有七子之餘風

提要 四庫

先生出陳臥子之門又從劉念臺講學與西河鶴

舫齊名時人語曰浙中三毛文中三豪

兩浙輶軒錄

摘句

猛虎扼其項何況狐與狸此身勤君父安

得慕夷齊

孔北海

別有深恩酬不得對君歌舞背君啼

西施

張丹

初名綱孫字祖望號秦亭浙江錢塘人有從野堂集

朱彝尊謂其五言古體波瀾老成

提要四庫

丹喪妻不再娶體羸善病講服氣導引之術

杭州府志

祖望美鬚髯長尺餘手足胸背有毫寸許喜山水

深溪邃谷不避險阻每得意長嘯而返

今世說

標題

武康縣

五古

涿州城

五古

山居

五古

摘句

新月映歸翼涼扉生夕陰

行人背落日古佛面殘雲

陸嘉淑

字冰修號辛齋浙江海寧人有辛齋遺稿

冰修崇情遠跡高酣長謠晚雖藏身人海而青蓮

在泥心終不染

靜志居詩話

查編修慎行其壻也少從學詩得其指授

兩浙輶軒錄

摘句但數舊人如落葉卽看我輩亦晨星

劉郎前度身猶在杜牧三生事惘然

吳 笈

字修齡江南常熟人

修齡云詩之中須有人在余服膺以爲名言

談龍錄

讀吳修齡園鑑詩話歎爲哀梨并剪

潛邱劄記

意喻之米文炊而爲飯詩釀而爲酒唐詩有比興

其詞婉而微宋詩少比興其詞徑以直作詩學古

則窒心騁心則違古惟學古人用心之路則有入

處以上三條皆園鑑詩話語頗精妙

聽松廬詩話

摘句 鞭橋東去無靈藥驂西歸有鮑魚

秦

司花女正吟黃額來夢兒猶望紫泉

隋

龍首西通子午谷鴨頭東下甲庚溝

洛陽

朱克生

字國楨江南寶應人太學生有秋厓集

克生作武夷山賦工麗雅瞻名聞一時王阮亭贈
詩云海內風騷調未孤故人才筆妙珠湖揚州府志
摘句 一別動經久相逢能幾回

細雨寒潮人不見兩山叢竹鷓鴣啼

俞南史

字無殊號鹿牀江南吳江人諸生有鹿牀稿

鹿牀居元墓之青芝塢與潘木公史弱翁沈君服

徐介白齊名號松陵五子

松陵詩徵

摘句 草木山中歷桑麻世外心

漁歌沿浦入山影隔湖來

韓 畧

字經正號石耕直隸宛平人有天樵子集

石耕善琴操北音終身不娶游覽江湖以終今之

牧犢子也

靜志居詩話

摘句 春愁當二月酒渴起三更

傷心如別故鄉人

送春

盧元昌

字文子江南華亭人諸生

文子下帷著書選定古文不脛而走

國朝詩別裁

摘句 後死青山在餘生白髮催

江寒魚罟靜月上虎蹤多

錢曾

字遵王江南常熟人有文蘆集判春集

讀書敏求記錢曾撰曾家富圖籍此書皆載其最

佳之本述授受之源流究繕刻之同異

提要四庫

摘句 借箸漫言山聚米引杯兼笑海生桑

梅村先生

枉駕相訪酒間
商榷綬寇紀聞

國朝詩人徵略卷五